

# **HUBUNGAN (Part 6)**

**Omar Nor Bin Abu Bakar, Mohd Hafizullah Amin Mat Noor & Mohd Roshan Bin Sarkarsi**

## **JENIS HUBUNGAN INTIM DAN CARA HUBUNGAN DIJALANKAN.**

### **HUBUNGAN INTIM DALAM KELUARGA.**

Hubungan antara ahli keluarga ialah hubungan antara ibu bapa dengan anak, hubungan sesama anak-anak dan hubungan saudara mara dekat atau jahu. Ikatan kekeluargaan adalah satu ikatan yang sangat rapat dan tidak dapat dipisahkan. Ibarat kata pepatah “seperti air dicincang tak kan putus” dan “seperti aur dengan tebing”.

#### Hubungan ibubapa dengan anak.

Anak-anak ialah pengikat kasih sayang sesebuah keluarga. Maka tidak hairanlah jika hubungan ibubapa dan anak telalu rapat. Anak akan sentiasa untuk mengingati ibubapanya walaupun dimana mereka berada. Mereka akan pulang ke kampung halaman masing-masing jika terdapat kelapangan dan cuti semata-mata untuk menjenguk ibubapa mereka. Anak adalah satu amanah yang telah dipertanggungjawabkan kepada ibubapa. Tanggungjawab ibubapa untuk mencari nafkah semata-mata untuk melihat anak-anak mendapat kesenangan, walaupun mereka tidak mempunyai kemampuan untuk berbuat sedemikian. Selain dari keperluan material, perhatian juga penting agar anak-anak tidak terlibat dengan perkara yang tidak baik dan rasa disayangi. Ibu bapa perlu bersyukur dalam menerima pemberian Allah yang besar ini dengan menjaga anak-anak sebaik mungkin.

#### Hubungan Adik beradik.

Hubungan ini akan menjadi lebih rapat seandainya keluarga itu sendiri mempunyai kasih sayang yang cukup daripada ibubapa. Sebaliknya hubungan adik beradik menjadi dingin sekiranya keluarga kurang penerapan kasih sayang. Biasanya ibubapalah yang mencorakkan hubungan antara adik beradik.

### Hubungan saudara mara.

Saudara mara adalah dikaitkan dengan keluarga besar yang terdiri daripada datuk, nenek, ibu dan bapa saudara, sepupu-sepapat dan ipar duai. Hubungan yang mesra perlu diwujudkan dengan menziarahi satu sama lain dan mengirim berita jika berjauhan. Hubungan kekeluargaan ini seharusnya dijaga dengan baik agar nasab keturunan tidak hilang dan dapat diwarisi dari satu generasi ke satu generasi. Selain itu saudara mara juga tempat meminta pertolongan dan bantuan jika diperlukan.